



UNIVERSITÄTS-  
BIBLIOTHEK  
PADERBORN

# **De Vita Et Rebus Gestis Christophori Bernardi Episcopi Et Principis Monasteriensis Decas**

**Alpen, Johann von**

**Coesfeldiae, 1694**

16. Cæsar pariter indulget semestrem Electo administrationem.

---

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

1651.

16.

*Cæsar  
indulget  
sex men-  
sum ad-  
mini-  
stratio-  
nem.*

Noyâ igitur remorâ Confirmationi Ro-  
mæ injectâ, Furstenbergius Cæsari probat  
Ecclesiasticam administrationem ab Illu-  
strissimo Nuncio ad semestre spatium Electo  
datam, & è re Principatûs ac religionis  
esse, si & temporali in subditos potestate  
tantisper etiam muniatur, quam & ideò  
Cæsaris beneficiâ indulgeri petit, do-  
nec confirmatione in Urbe expeditâ, usi-  
tato more Regale jus & Feudum exoretur.  
Nec averfatus preces Imperator litteras  
occyûs vernaculo quidem idiomate, sed in  
modum sequentem, jussit expediri.

**N**OS FERDINANDVS Tertius divinâ favente  
clementiâ Romanorum Imperator semper Augu-  
stus, Germania, Hungaria, Bohemia, Dalmatia,  
Croatia & Sclavonia Rex. Archidux Austria,  
Dux Burgundia, Styria, Carinthia, Carniola &  
Wurtenbergæ, Comes Tyrolis &c. Universis per  
presentes attestamus & notum facimus, quod vene-  
rabili, devoto, dilecto Nobis Principi Christopho-  
ro Bernardo Electo Monasteriensi Episcopo, ex  
relevantibus causis, & ipsius Devotionis sua pre-  
cibus moti, omnia & singula Diœcesis Monaste-  
riensis Regalia & temporalia jura, qua tanquam  
feudum à Nobis & Sacro Imperio, Devotio sua  
occu Electus Episcopus, statum intra tempus petere  
& excipere tenetur, ad sex Menses clementissi-  
me indulserimus, totòq; eo tempore in omnem il-  
lam Diœcesin, ejusq; Magistratus & Officiatos,  
civibus ac criminalis jurisdictionis usum & admi-

C 2

nistra-

nistrationem concesserimus, prout Devotioni suae  
 auctoritate nostrâ Casareâ scienter indulgemus, et  
 concedimus per presentium tenorem, ita quod  
 dem, ut toto illo semestri spatio omnia & singula  
 prædicta Diœcesis Regalia, feudalia, & secularia  
 jura, in vim hujus indulti & concessionis Nostrae  
 possidere, iisdemq; uti ac frui, ipsamq; Diœcesim  
 administrare ac gubernare ipsa possit ac valeat  
 post lapsum vero semestris spatium, feudi hujus  
 vestituram à Nobis & Imperio petere & admitti  
 tere, ac interea nihilominus obsequium & fidem  
 uti vasallum decet, præstare teneatur. Quocirca  
 mandamus universis & singulis Eiusdem Diœcesis  
 Statibus, Officiariis, Vasallis, Magistratibus, Locum  
 tenentibus, omnibusq; aliis subditis & incolis,  
 cujuscumq; status, conditionis, aut dignitatis fuerint,  
 ut prædictum Christophorum Bernardum Episcopum  
 Monasteriensem ceu legitimum Dominum & superiorem  
 suum recipiant, agnoscant, venerentur, eidemq;  
 reverentiam, fidelitatem, & in licitis obedientiam,  
 omniaq; alia præstent & exhibeant, quae fideles Status,  
 Vasalli, Officiales & subditi legitimo suo Domino de  
 jure & consuetudine, præstare & exhibere obligantur.  
 In fidem presentes, manu & sigillo Casareo roboratas  
 dedimus in Civitate Nostrâ Viennensi, die sextâ  
 Februarij, Anno Millesimo sexcentesimo quinquagesimo  
 primo. Subscriptum erat. Ferdinandus. Et sequebatur.  
 Vidit Ferdinandus Comes Curtius. Ac paulò infra.  
 Ad mandatum Sacrae Casareae Majestatis proprium. Wilhelmus Schroder.

Quo diplomate mox translato in Westphaliam ac per universam Diœcesin proclamato, tametsi Mallingcrotius sui tenax propositi nihilò minùs flectebatur, cæteri tamen subditi lubenter omnes parvère. Sub hæc *Christophorus Bernardus*, facturus initium administrationis suæ, Ordinibus Diœcesanis Monasterium comitia indicit. Et hi quidem statuto die stitère se frequentes, sed ad nutum Electi à conventu suo exclusère Mallingcrotium, ceu patriæ tranquillitatis turbatorem. Quam ipse contumeliam tantò molestius accepit, quantò ad id usq; tempus magis decorum pro munere Decani comitio præfedisce. Ne quid autem de jure suo remittere videretur, non semel aditum tentavit; sed fores aræ palatij Episcopalis continuò clausas offendit; quas cum etiam pedibus, manibùsq; pulsitans aperiri sibi acriùs aliquandò postularet, jussi respondère excubitores, nulli nunc eas patere publicæ quietis inimico. Quam ipse severitatem exaggerando conabatur nonnullos ex Ordine Equestri in commiserationem, partemq; trahere, sed frustra.

Nec etiam Romæ negotium illi ex sententiâ succedebat; quippe discusso jam non hebdomades, sed menses aliquot electionis actu, cum præter vespertinum illud Decano præterito conventiculum, novi

17.

*A comitiis excluditur Mallingcrotius.*

18.

*Roma confirmatur Electio.*

C 3

nihil